

O LE POTO
MO LE
TAGATA
AMIOTONU





“Ia faapea ona E a'oa'o mai
i a'i matou e faitauina o
matou aso, ina ia maua ai le
poto i o matou loto.”

(Salamo 90:12)



E masani ona tatou manatu o le poto o lona uiga o le i ai lea o se malamalama tele i se vaega faapitoa o le faasaienisi, filosofia, poo nisi



Tatou te ta'ua le tagata o le ua i ai lenei malamalama o le “poto”, ae o le atamai e sili atu nai lo lena. E aofia ai le faaaogaina sa'o o le poto uma ua maua (pe ititi pe tele).

O le a se manatu faale-Tusi Paia o le poto?

E faapefea ona a'oa'oina lea poto?

E faapefea ona tatou faaaogaina i o tatou olaga i aso fai soo?

O a ni mea aogā tatou te maua mai i le faatinoina o lea atamai faale-Tusi Paia?



► O le poto o loo i poloa'iga (Salamo 119).

► O le amataga o le poto (Salamo 90).

► O le poto i totonu o tofotofoga (Salamo 95; 81; 105).

► Poto faatino:

► O le ala i le leaga (Salamo 141).

► O faamanuiaga i le faia o le mea lelei (Salamo 1; 112; 128).

O LE POTO O LOO I POLOA'IGA

"Ua ou teu i lo'u loto Lau afioga, ina ne'i ou agasala ia te Oe" (Salamo 119:11)



O le manatu autu o le Salamo 119 o poloa'iga ia a le Atua faapei ona faailoa mai i Lana Afioga.


E faapei o le tele i nisi o vaega o le Tusi Paia, ua faatusaina ai i lenei salamo le olaga i se ala o loo faapea ona uia e tagata ta'ito'atasi. O lenei ala e mafai ona taitaiina atu ai oe i le ola e faavavau, poo le malaia foi e faavavau. E faapefea la ona filifili i le ala sa'o?



Ua faamalamalamaina i le Afioga Paia a le Atua le ala tonu (Salamo 119:105); e faamamāina ai (Salamo 119:9); e taitaiina ai o tatou ala (Salamo 119:133); ma puipuia i tatou mai le mata'utia o ala leaga (Salamo 119:101).

O le ola e tusa ai ma le Upu a le Atua o lona uiga e tatau lava ona tausiusi i poloa'iga faale-lagi (Salamo 119:4). E le gafatia e so tatou malosi ona faia faapea, ae ua tatou mautinoa, e ala i lo tatou mafaufau loloto i ai faatasi ai ma le fesoasoani a le Atua, o le a mafai ai ona tatou maua atili, le poto sili e tausia ma puipuia ai e ala i nei poloa'iga (Salamo 119:5-6).

O le tausiga o poloa'iga e le na o se uiga i fafo, a'o le faaalia ai o se natura faamaoni o le mafaufau ma le loto (Salamo 119:7, 148).



O LE AMATAGA O LE POTO

"Ia faapea ona e a'oa'o mai i a'i matou e faitauina o matou aso, ina ia maua ai le poto i o matou loto ." Salamo 90:12)

O loo ua tatou ola mo sina taimi puupuu, pe a faatusatusa atu i le faavavau o Lē na Foafoa, ua na o se mānava lava (Salamo 90:2, 4, 9).

I lenei taimi puupuu, ua tatou ola i le agasala, i lalo o le to'asa o le Atua (Salamo 90:8-11). Ae ua faasafuaina mai e le Atua Lona alofa tunoa i a'i tatou, ma ua faamalieina ai i tatou i Lona alofa mutimutivale (Salamo 90:13-14).




Pe a tatou faatagaina i tatou lava ia a'oa'oina e le Atua, ona tatou a'oa'oina ai lea o le "faitauina o tatou aso." O lenei auala, tatou te maua ai le poto, ma liua ai i le faatusa moni o lo tatou Foafoa, o Lē ua tatou a'oa'oina ia matata'u ma faaaloalo i ai (Salamo 90:12, 16; 111:10).

O le mauaina o le poto e taitaiina ai i tatou ina ia muamua ona salamō, ona faia ai lea o le galuega ua finagalo le Atua ia tatou faia (Salamo 90:3, 17).

O LE POTO I TOTONU O TOFOTOFOGA

"Na e valaau mai i le puapuaga, ona Ou laveaiina ai lea o oe; na ou tali atu ia te oe i le mea lilo ua i ai le faititili; na ou tofotofo ia te oe i le vai o Meripa. Sela." (Salamo 81:7)


FAAFEAGAI MA TOFOTOFOGA AE AUNOA MA SE POTO



I Meripa, na tofotofo ai Israelu i le Atua: "auā na latou tofotofo ia leova, ua faapea atu, Ua i a'i tatou ea leova, pe leai?" (Esoto 17:7). Peitai, i le silafaga a leova, o la lava na tofotofoina Israelu (Salamo 81:7). E le'i faamanuiaina Israelu i lea tofotofoga, aua sa tumau pea le loto maaa i lona fouvele, o lea e tatau ai ona faasalaina (Salamo 95:8-11). I ia mea uma, ae na avatu lava i ai e le Atua le vai sa latou ole atu ai (Esoto 17:5-6).

Ae pe ana fai ae popoto, semanū e faamanuiaina le tofotofoina oi latou. Ona, mafai ai lea e le Atua ona fiai o mea ofoofogia mo i latou (Salamo 81:13-16).

O LE POTO E FAAFEAGAI AI MA TOFOTOFOGA



Sa faafalepuipuiina Iosefa ma noatia i uamea, sa agaleagaina ma puapuagatia. Ae na ia faia se filifiliga poto: ia auauna atu i le Atua e tusa lava poo le a le tulaga o loo i ai (Salamo 105:16-18; Kenese 39:7-9).

O le taimi lava na ia manumalo ai i tofotofoga, na faaeaina ai o ia e le Atua (Salamo 105:19-21). Sa matuā iloga lava lona atamai, na tofia ai o ia e Farao ina ia a'oa'o atu i ana toeaiina lea lava poto na ia maua mai i le Atua (Salamo 105:22). E ala ia Iosefa, na tuuina atu ai e le Atua ia ola aiga uma o Israelu (Salamo 105:23).

O LE FAATINOINA O LE POTO

O LE ALA E OO ATU AI I LE LEAGA

"Aua ne'i liliueseina lo'u loto i se mea leaga ma le agasala faatasi ma tagata o e faia amioleaga:
Aua foi ne'i ou 'ai i a latou mea suamalie" (Salamo 141:4)

O le Salamo 141 o se tatalo e ole atu ai i le Atua ia laveaiina i tatou mai faaosoosoga i totonu faapea ma fafo (Salamo 141:1-3, 9-10). I lo tatou lava malosi, tatou te le mafai ai ona manumalo mai faaosoosoga, ona o tatou lava loto e faananau atu lea i le agasala. E manaomia lo tatou tatalo e le aunoa ina ia mafai ona tetee atu i faaosoosoga.

O le Salamo 141:4 ma le 1:1 o loo faailoa mai i a'i tatou le faagasologa o faaosoosoga:

1) O le faalagolago atu o le loto i le leaga

"Aua nei uai atu
lo'u loto i se mea
leaga."

"Amuia le tagata e
le savali i fautuaga
a le tagata
amioleaga."

2) O le faia e le tagata o le agasala


"e fai le amioletonu
faatasi ma e faia le
amioleaga"

"e lei i ai foi o ia i le
ala o e agasala"

3) E fiafia o ia i le leaga

"ma ia aua nei ou
'ai i a latou mea-ai
suamalie"


"E le nofo foi o ia i
le nofoa o e
tauemu."



O loo faamatalaina i salamo le alualu i luma, o le taufaasese, ma le taufaa'ole'ole o faaosoosoga. Ua na o le faalagolago lava ia leova e mafai ai ona mautinoa le manumalo atoatoa (Salamo 141:8-10). Peitai, o le manumalo mulimuli i le agasala o loo i ai pea lea i le lumanai (Salamo 1:5-6).

O FAAMANUIAGA I LE FAIA O LE MEA LELEI

"Faauta, e faapea ona manuia o le tagata e mata'u ia Teova" (Salamo 128:4)



O le galuega autu a le poto o le taitaiina atu lea oi tatou lava i le ala sa'o, e tusa ai ma le finagalo o le Atua. O a faamanuiaga o le a tatou maua e ala i le faia o lenei mea?

O le a faamanuiaina i tatou (Sal. 1:1; 112:1; 128:1)

O le a manuia a tatou galuega (Sal. 1:3; 128:2)

O le a malolosi o tatou suli (Salamo 112:2; 128:3)

O le a tatou maua mea lelei ma le 'oa (Salamo 112:3)

O le a tatou savavali i le malamalama o le Atua (Salamo 112:4)

O le a tatou pulea lelei a tatou mataupu (Salamo 112:5)

O le a le mapeva i tatou ae o le a manatua pea lava i tatou (Sal. 112:6)

O le a tatou le fefefe i ni tala mata'utia (Salamo 112:7)

O le a tatou faatoilaloina o tatou fili (Salamo 112:8)

O le a faaeaina i tatou i le mamalu (Salamo 112:9)

O le feteena'iga o loo i ai nei i le va o le lelei ma le leaga, o nisi taimi e taofia ai i tatou mai i le olioli i nei faamanuiaga uma, pe mai foi na o se vaega e mafai ona tatou olioli ai. Peitai, o le a oo mai lea taimi e mafai ai ona faamanuiaina atoatoa i tatou, i le Malo o le Atua.



©STEVE CREITZ / PROPHECYART.COM

**“Pe a ou mafaufau i le galuega o loo faia e le Atua
mo le tagata ua pa’u, ou te leiloa i le maofa o le a
ave e le Atua i tagata matitiva, tagata ua paūu ma
tuuina atu i a’i latou le mana mamā, o le a i ai i
totonu ma galuega o Lona alofa tunoa, e suia ai
uiga ma amioga, ma ia faia le tagata ia talafeagai
ai mo le maota ua saunia e le Atua mo i latou—o
tagata ua saunia mo le afioaga o le Atua, ua saunia
ia avea ma aumeamamae faatasi ma agelu, ma ia
mafuta faatasi ma le Atua. Oi, e matuā naunau
lava lo’u loto ia avea ma se tasi e savavali faatasi
ma Iesu Keriso i le lalolagi ua faafouina!”**